



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 二四一

四焉齋全集十五卷（文集八卷詩集六卷附梯仙閣餘課一卷） 曹一士 撰

顧賓陽先生文集十二卷（洗桐軒文集九卷抱桐軒文集三卷） 顧陳埏 撰

綠痕書屋詩稿十卷 鄭方城 撰

四馬齋全集

曹子濟寢既歿之十有三年其子錫端等刻其遺文若干卷介其友王子學舒郵書屬余為叙余卒讀而然歎曰從古廊廟之士則思立功山林枯槁之士則思立言以見於世獨至為諫官則功與言兼幸而其言行則其功在天下與百世非猶夫布衣之士空言無實者此言之垂世行遠必有賴夫得時而駕者也曹子為名諸生四十年聲望震海內垂老始成進士入翰苑數年改御史再遷工科給事家貧不能迎妻子卒於京邸年纔六十世多為曹子惜余昌言曰曹子能不負諫官造物亦不負曹子所謂能舉其職能行其道者其曹子之謂耶

四馬齋文集 頤序

今曹子而久於翰林不過代王言宣詔令是未必傳即使躋崇班備九列號通顯矣而言非專職又或疑於出位生事不過世俗酬應之文館閣習用之體耳又焉能藉以傳惟諫官以言為職天下事無鉅細無一不關其二而曹子尤深識遠慮批卻導窳能言人之所不能言與人之所不敢言者所謂諫官與曹子兩無負也曹子當世宗朝固多侃侃直陳逮今上即位益勸上廣德意滌煩苛與天下更始首言開墾有名無實十年之後既已成賦州縣不敢懸欠督撫不敢開除將為生民患又言近日州縣改設分隸紛如奕棋非古人

犬牙相錯至計又言姦人挾仇告訐指摘詩文字句誣
爲大逆株連親族羅織師生非聖世所宜有其尤利
益民物者言兩浙之場課宜蠲帶徵之漕米宜免又請
禁止鹽商借公蠲名色致高擡鹽價及州縣官與交往
親密秤掣時任其夾帶私鹽而專捕小民之肩擔背負
者又言督撫保舉屬吏專用能負大抵趨走便利應對
捷給則立登薦剡而惻怛愛人與民休息則視爲無能
概從廢罷請另立賢員名色薦章中須註明列在能員
之上又言今日大吏明作有功之意多而惇大成裕之
道少此最關治體他所建白甚衆懇懇乎如蕩除之藥
石洞中膏肓如補益之參苓力扶元氣無一切紛更繁
擾及迂緩不急龍肉療饑之語準以前世漢之汲黯唐
之陸贄豈遠哉曹子終諫官俸薄幾無以歸喪然曹子
身雖死而曹子所生者不啻億千萬輩曹子可不死矣
余自諸生時與曹子相知庚子辛登賢書出上海何公
之門余晉謁時宿曹子家與曹子聚首凡十日乾隆丙
辰復把臂京邸曹子已病未幾遂卒今閱其遺文感念
存歿竊喜吾友之立言能稱其官不愧儒者又曹子歿
時二孤皆幼今能表章先人遺集尤爲可喜而可賀也
曹子他著述皆可傳余不論論其言足爲世用者已已

四馬齋文集

顧序

二

春正月下浣二日錫山同學弟顧棟高復初序

四馬齋文集

顧序

三

黃門先生自未冠即有聲藝序其試牘至吾村先徵君一見曰此吾郡第一大手也余時猶未成童已知海上有曹子其人間以所業就正先徵君先徵君有所別擇曹子輒默然服偶與余同宿友人齋曹子語余某近所呈文曾以視他友或褒或貶要未有如先生之如見某腹中欲者某安得而不服乎曹子才大而學勤志高而心下故常以古作者自期待而不肯溺沒於凡俗連躓舉場憤不得一力深造以大有成廼傾倒所懷盡抒其願以請於先徵君悵流光之荏苒惜騷衷之牽羈殆如不勝情然其問也非寸莛之撞而先徵君之答之也亦

四馬齋文集 焦序

遂如洪鐘之鳴多則五千餘言寡亦二千言之外馳域外之觀鉤環中之要極差別之情標自得之歸類皆古聖賢豪傑之所以自為而文人之為文人道亦不外乎是省辭審意豈不以唐宋元明諸子代興之業屬之曹子乎厥後曹子聲日起交日廣海內名人鉅公慮無不知有曹子其人者矣迨庚戌成進士入翰林歷官給事章奏碑版照耀近遠學問經濟爛然播於人人朝廷方將大用之乃未竟其施而遽卒惜哉猶子誕文年少嗜學懼其述作之散佚也哀集付之剞劂而屬序於余余於文章一道曾未涉作者之籀籀何敢僭序顧庚戌

癸丑兩入 都門幸步後塵曾辱緒論故不敢以不文辭而為述先徵君之愛之重之誨託而厚畀之者如此至其文於古之作者誰後先世必有能辨而識之者非余之淺薄所敢質言也時乾隆庚午夏杪同里焦以敬書

四馬齋文集 焦序

余向聞給諫曹濟寰先生名知學問經濟卓絕一時其官翰林也以文章著稱所作詩賦及古文辭為館閣中所推重洎乎擢侍御遷諫垣屢上封章直聲震中外顧欲悉其詳而未得也從子誕文編訂先生四馬齋文集付梓以傳今年秋誕文以謁還來京師與余相過從一日手所訂四馬齋文集示余屬為文序之余忝廁臺班每欲稍抒一得以期無負厥職猥以學問淺鄙自愧未能亟為讀集中奏牘如請核實開墾地畝請均聖澤以惠窮黎請分別賢能以成吏治諸疏侃侃直言剴切肫摯實皆有裨於民生政治雖古名臣無以過之景仰

四馬齋文集 辭序

一

高山恨不獲同時親炙吁先生於經濟可無愧矣及卒讀賦頌論議諸篇原本經術發為高文其摘華皆有根柢又歎先生之學問邃密精深淵淵乎非涉獵詞章者所能襲也夫有真學問乃有真經濟學問者經濟所從出也讀集中諸奏牘鮮不服先生之經濟讀集中賦頌論議諸篇鮮不服先生之學問岐學問經濟而二之均不善讀先生之集者余則謂先生官翰林時已具有臺諫風力其經濟悉本於學問二者合而一之乃以得先生之真焉竊幸向得之於所聞者今且得之於所見焚香雒誦之餘宛如一室晤言快聆緒論而所恨不獲同

時親炙者至此不大慰也哉誕文英年側儻工詩文能編訂先生斯集付梓以傳克承家學光大前徽亦誠有足多者余故樂得而為之序

昔

乾隆十五年歲次庚午嘉平掌山東道監察御史後學嚴源燾拜譔

四馬齋文集 辭序

二

上海縣志名臣傳

曹一士字諤廷號濟寰負異稟於書無所不窺為名諸生二十餘年中雍正庚戌進士入翰林乙卯擢御史尋轉工科給事中慷慨敢言為諫官期年所陳多切時要如言開墾有名無實十年之後既已成賦州縣不敢懸欠督撫不敢開除將為民患又言姦人挾仇告訐指摘詩文字句誣為大逆株連羅織宜悉禁絕又言兩浙之場課宜捐帶微之漕米宜免又言督撫保舉專用能員大抵趨走便利應對捷給則登薦剴而惻怛愛人與民休息則謂不能概從廢罷請另舉賢員以敦吏治皆見

本傳

嘉納會審劾要臣甚微窺者飛語聞 上部議降調特旨留任十一月卒於官年五十九蒙 恩歸葬扶柩入城一士文章名海內居詞垣充纂修官撰述甚富壬子充順天同考推得人第一所著四馬齋集十六卷子錫端等梓以行世

黃門正容



像贊

倏然之容義然之狀想見我冠立金階上惟 聖人建極四門首闢公達其時為邦司宜奮筆奮舌伉伉矜矜吾以吾鳴匪詭隨是爭惟大猷是經 帝為傾耳略見施行未竟其用左遷奪俸如華堂橈棟如朝陽喪鳳人皆為恫枚曰不然苟於世有補徐樂一書已足千古而况公文有集如許

館後學表枚拜撰



四馬齋文集目錄

卷一

賦九首

頌三首

卷二

奏摺十一首

策八首

論二首

卷三

議二首

四馬齋文集目錄

序二十五首

卷四

序九首

記四首

傳十二首

卷五

書十二首

啓六首

薦狀一首

卷六

小簡二十七首

題詞三首

書後六首

贊一首

世譜二首

卷七

碑二首

墓誌銘五首

祭文七首

卷八

四馬齋文集目錄

行狀五首

遺事四首

附呈示三首

目錄畢

四馬齋文集卷一

海上曹一士濟寰著

姪

錫端誕文編訂

堦葉承子敬

男

錫端菽衣

內姪張熙紳亦垂

錫圖起南

同校

賦

白燕賦

惟海隅之僻遠兮過萬周之自出乘青陽而下降兮票
金精之素質兮珠胎於月窟兮集綃衣於鮫室抱高潔
之正性兮匪衆難之所匹爾乃羽鮮疑茶身輝似蝶纖
纖弱翻不美鴻飛皎皎明心寧隨鶴立穿桃彌顯難紅

四馬齋文集卷一

天女之顏拂柳逾鮮虛綠神人之汁雨漲吳淞江水玉
剪低迷風塞羊氏書帷練袞羞澀恒顧影而徘徊慮春
華之將市由是迹類依人情深擇主思舊遊于隔歲白
雪重廉幸故壘之在堂素絲載組託高義兮未衰詎輕
身而相許於焉翔瑣闥入湘簾音上下語呢喃色奪殷
朝祥徵魏代烏衣國裏埽除十丈緇塵玳瑁梁間淨洗
兩行粉黛昭質未虧幽懷難轉化仙人之珠履喜共翩
翩逐公子之金丸羞同涎涎夫何物忌孤鶩俗憎雋上
趙家掌內爭妬殊姿班氏領間誰憐異相蠅營營以思
玷隼凜凜而見猜風細低飛息影于梨花院落芳香淺

掠藏蹤於柳絮池臺及秋社之未晏兮矯孤翼而南征

念主人之故歡兮猶返顧而悲鳴何關河之夜長兮凌

明月之一色撫毛羽之摧殘兮沾微霜而如拭爰戾止

乎郊園聊棲遲於蓬草保吾躬之白貴兮銜泥滓其何

傷睹儔侶之斑斕兮永啁啾其若失噫噫乎屈伸有時

龍蛇猶蟄茅檐架竹難逢表瑞之筐雲厦盤松未遇入

懷之閣是以出處貴乎知幾往來尚其守節江湖浩蕩

尋盟燕及鷗鳬門戶差池同伴半成胡越冲霄虹氣且

爾卑棲徹夜蟪蛄光休從暗索苟阿閣之可儀附鸞鳳於

丹穴誓北向於君門庶微軀之弗涅乃爲之歌曰翳微

四馬齋文集卷一

二

禽兮潔且貞俾守黑兮不可更審誰思兮在玉京藉瑤

草兮戲蓬瀛昔同巢兮今憚憚又歌曰春風暮兮夜闌

秋氣清兮薄寒夢白華兮歎尾脩脩兮難安珠薨玉

棟兮渺雲端

鳴蟲賦 以燈下草蟲鳴爲韻

非絲非竹在谷在陵不宮商而自叶無倡和而相乘梧

桐兮布幔熠燿兮張燈托長謠兮寄興抒高唱兮呼朋

伊衆音之繁會羌異響之畢興乍抑乍揚能細能夏緩

則銅壺徐滴疾則銀瓶陡瀉者兮若王子之笙吹落山

頭恍兮若帝女之簫飄來樓下悲耶若廣陵之捺叔夜

淒涼憤耶若漁陽之搗正平怒罵或階前尺地豪其青蓮或壁落千聲窮哉東野或慘亮兮如秦青歌發響遏行雲或沸騰兮如武安軍譟勢振屋瓦於斯時也金波穆穆銀河顚顚涼颼乍披落葉不掃丹楓明乎秋林白露被夫野稻邊愁喚起和感粟以同吹閨夢驚迴入刀砧而共擣長門則語語思君湘浦乃言言訴昊秦淮河畔啼殘六代斜陽金谷園中驗過一庭衰草伴美人於簾外雨滴空階趁詞客於牀頭燈昏半葉宵如此其可憐爾何為兮相惱是蓋厥類匪壹厥聲不窮自脰重疾由注疏通旁達既震翼扇維雄或股擊而愈銳或胸吐

四馬齋文集卷一

三

而彌洪號萬籟於一竅信異曲之同工祝不合而忽作敵不止而告終美矣洞庭廣樂偉哉造化神功溯元音之妙理羅變態於茲蟲嗟乎凡有靜其必動孰不平而始鳴出自地中匪由雷奮來於木杪詎藉風生忘哀樂之相值何雕琢之能精然而野則王孫憶別登樹則齊女鍾情欲歌欲泣為喜為驚雖無心而振響亦含意以揚聲是故譜於風詩則嚶嚶誌異遺於爾雅則唧唧誰明況夫述咸韶之和正奏金石之鏗鉤能不有待於聞音識曲拜手載賡者乎

解愠阜財賦

惟帝德之廣運與造化而同仁樂以無憂執厥中而萬方皞皞用之不竭布太和而百物濔濔當朱明之令節乃長養之芳辰律繁祉而中微風披拂其自南其來也習習躁者遇之而忽夷其往也徐徐鬱者迎之而洞開溫兮若飲人以醇醪疇含忽而不滌灑兮若沁人以甘露疇積煩而不蠲詎冰釋於噫氣自意消於天游爾乃期以五日先好雨而飄來扇徧三農並平疇而交暢懷新是慶扶翼翼之良苗率育有成鼓盈盈之麥浪忘帝力於何有衡壤輕吹普美利於不言茅茨微颺轉洪鈞於閭闔之中渙帝澤於扶搖之上於是對時育物聖心

四馬齋文集卷一

四

感焉言抽睿思被之五絃慮時雍者尚有其咨藉此熏然者為我疏通其抑塞計允殖者豈無不獲資彼時若者為我鼓舞其懋遷荷天心之嘉惠既重其以申命庶袞職之無闕爰一彈而再歎於斯時也繼治之世重華之光珠聯璧合海宴河清卿雲黼黻芝草芬芳麒麟遊郊藪鸞鷟鳴高岡百僚率作以興事萬民耕鑿以樂康蓋垂衣裳而天下治昔惟虞帝贊化育而天地參今見我皇

山川出雲賦

聖作物觀春和氣騰伊從龍之妙質表千呂之嘉徵卑

擬觀河挾榮光而俱出高同降嶽先靈雨於未零升自九霄兮焉比起封之誕垂於四海今有符需卦之稱爾其布穀鳴樹天桃媚川麥抽芽而繡野農舉趾而犁田於斯時也 聖天子修親耕之盛典儼齋祓以祈年精誠上徹德意下綿神祇爲之降格嶽瀆於焉後先氣無幽而不達恩靡隱而弗宣於是雨師隨 鑾雲師導蹕各奏其功迨茲春吉膚寸者不期而合觸石者無心以出或波光之瀾漫霧耶露耶香莫分或澤氣之溟濛水與天與混爲一其始也由下而上似匹練之挂遙空其旣也自近訖遠如千絲之裊白日蓬蓬勃勃匪天馬而還馳郁郁芬芳擬爐煙而更密蓋乾坤之泰旣交而山川之英自溢宜乎太史登臺而誌祥吉帝紀官而班秩者也且夫 聖人之至德叶天地之大文將有待於時雨斯垂象於油雲行乎膏澤譬奔奏疏附之輻輳大其氾濫似翼爲明聽之紛紜屏翰蕃宣者所以告一人之慶輪囷黷黷者所以策崇朝之勳固天人之相協亦詩書所共聞此大臣之職霖雨是勤必合師師濟濟吉人吉士以報稱乎瞻之如雲之 聖君

喜雨賦

太和充塞至治馨香五氣順序四時樂康敬以感孚普

四馬齋文集卷一

五

四馬齋文集卷一

六

現施生之象誠能昭格聿徵潤澤之祥比甘露而如垂物需玉液並醴泉而頻注人挹金漿洵恩來於上界斯德沛乎下方先是月值暮春律占中呂當虹生萍見以還有視野勞農之舉 天子於是坐明堂籌寰宇念茲田事既問夜而瞻雲詢及昌言復懸輅而設鼓發江南之粟海隅處處春臺運冀北之倉畿輔家家樂土撒懸減膳頌交修罔怠之 朝恭已齊居仰福國庇民之主秉一念以默祈俾萬物之得所爾其熏風徐轉解澤旋零灑上苑度夾城助恩波於太液添瑞氣於金蓮片片慈雲布施大地飛飛華雨飽飫羣生城端之闕雙紅煙霏霧歛郭外之畦一碧波淨沙澄於斯時也麥穗齊抽禾田未藝塍鋪作繡看秧馬之將馳桑沃如油拂纒車而欲試莫不欣屏翳之清塵幸豐隆之奮地而乃霽兮似雪冉兮疑絲聲不傾盆徐斯能入勢無破塊膩乃如脂習習隨風南畝之針芒盡茁祁祁達曙西山之瀑布高垂徧萬天之川澮竹千耦之耘耔由是良農氣揚紅女色舞或隨主伯或命亞旅或荷蓑而戴笠或戴筐而挈管履霰霖於中田拜明昭於比戶且也先三秋而降澤蚤卜三時閱十日而爲霖真成十雨惠皆天澤知閭闔之洞開福徧神臯看倉庾之成堵于焉仰答神施

用酬 帝賜恩自 九重澤周一世頒儲平糶和氣滿
布於域中拯乏賑貧德意不遺乎方外蓋惟 上帝以
聖人之心爲心故甘霖應念而偕興亦惟我 皇以
天下之樂爲樂故大澤隨時而立沛誠哉夙夜之相孚
允矣天人之交泰爰作頌曰我 皇之德上及太清兮
雲行雨施天下平兮我 皇之德下及太寧兮承天時
行庶物露生兮我 皇之德中及萬靈兮神祇默相咸
集庶徵兮自今以往歲豐民樂永慶生成兮

景陵瑞芝賦

聖人御宇孝治維彰太和翔洽率土馨香 天心以之

四馬齋文集卷一

七

而鑒格 祖德於是而發揚伊鍾靈於芝草爰挺秀於
山岡輪囷煥彩磅礴呈祥表異五莖數符天地託根磐
石基固苞桑九曲詎能齊其壽七明不足比其芳原夫
太乙精凝五嶽勢聚鬱葱林谷旺氣升騰繁衍川原靈
祇呵護陰陽和會宛浮彩以相鮮雨露涵濡遂披嵐而
忽吐圓樂四面象四方之環拱京師聳峙一枝儼 一
人之照臨宇宙爛若軒皇之蓋中外揚輝森如佛祖之
幢高卑合度洵圖書之所莫詳而耳目之所未遇於斯
時也值丹浦之陳師恰青邱之奏績秋風捲籜絕大漠
以星馳原火摧枯驅前禽而雷擊勢排山嶽燕然之草

皆兵氣掃攬槍瀚海之氛盡滌當帛書奏捷於 楓宸

正氣告祥於 陵石不期而會悅授神符足信而徵

有如 天錫考之援神契德被草木則芝草榮稽諸瑞

應圖親延耆老而靈芝呈或以爲慈仁所逮或以爲聖

功之成說具存於載籍事尤異於 盛明豈惟鍾英而

毓秀固已服遠而辟兵此誠德馨之所耀而幽贊之所

生也在廷於是瞻矚靈奇稽首歡呼咸願宣布朝野紀

之策書 天子讓而彌尊謙而益敬謂 上天之福國

庇民皆 聖祖之凝庥集慶普天歌舞匪直 一人之

嘉祥薄海肅清昭示萬年之吉應 命彼史官從其所

四馬齋文集卷一

八

請乃若博稽往冊歷溯前規葦莢紀時似兆苗民之來
格花葩垂象如關涿野之征師美域樸於周庭猶是尋
常草木感莖蒲於孝德未聞震疊邊陲豈若此之產自
橋陵之側毓於弓劍之都並神著而爲寶偕竹實而
同數瑞閱五年再逢尤異威宣萬里操券相符者哉是
蓋我 皇夙夜丕承旦明昭示慶雲甘露未足表其華
瑞來嘉禾不能殫其異故於荷實同房之外更徵和集
於芝房而萊菔九乳之餘再現來歸於五至信上瑞之
在茲愧摘詞之未備乃作歌曰 寶城之巔氣蒸霞金
柯玉葉相交加靈芝煌煌蔚其華又歌曰 聖德盛兮

被草木 天威宣兮四夷服告於 皇祖兮永錫厥福

敬用五事賦

道執一中用分爲五原太極以互根叶五行而順序契
天理之自然詎人爲之可主惟用之宜以敬作所當夫
寂然不動有無之間貌言未接視聽何宣渾乾乾於不
見命翼我於無端及其感而遂通因物付物恭從貌彰
又從言發聰以作謀明以作哲爰通微而入聖遂慮研
而心悅紛五事之雜糅均無適而主一約聖敬以用中
乃箕疇之所揭欽惟我 皇學原洙泗德邁陶唐灼性
體之大同識超精一普治功於廣被績懋幾康藏密洗

四馬齋文集卷一

九

心立人極以主靜 御門勤政法天行以自強至誠不
二之衷一眞常湛時措咸宜之象五事偕臧緬醇備之
盛德欲悉數而難詳則見夫恭已齊居饗 天格 祖
儼顯若於盟薦肅威儀而拜俯則見夫絲綸往復誥誡
敷宣既覺迷於下土亦廣訓於普天則見夫積日披陳
隨時引 見既鉅細之不遺亦能否之立辨則見夫邇
言是察聲入心通既詢謀於羣議仍裁決於 宸衷則
見夫旰食靡寧宵衣逮旦恒俯仰而深維期措施之盡
善凡茲五事隨用而臻何以用之一敬所敦如金在範
如器歸甄妙一心之運量仰全體之 聖人是以歛之

藏於密擴之彌六合重民事則 賜級勸農歲開耕藉

尊師道則加封修廟時親 臨雍若蠲糧若積穀若截

漕若平糶補助者春秋冬夏爲開科爲廣額爲薦舉爲

試用造就者南北西東恤旗兵亦恤標兵十五省貯銀

裕餉營穀土蕪營庶土千百萬塘海隄江 欽定刑章

成適中之條例度修祭典多咸秩之功宗以至求言於

朝清問於野養及老者惠及鰥寡弛行旅於郊關免

積逋於厘左屯田訓練則邊盡雄師按驛清釐則圻無

疲馬故夫皇極之建用於上八政之農用於中三德之

又用於下凡皆五事之力量所運旋而敬用之精神所

四馬齋文集卷一

十

陶冶猗與盛哉此五事者毫芒可攝寰宇非餘當其無
也藏敬之用及其有也化敬之拘達一貫之心印會萬
物於性初不加不損時卷時舒宜乎六府三事之允治
嘉祥上瑞之頻書謹拜手稽首而作頌曰惺惺者心名
之曰敬即宜用宜其用何竟體用一原顯微皆性執握
其樞歸於 上聖

官方士習賦

一人恭已六合和衷觀地天之交泰知上下之志同手
足腹心極一體相關之義翼爲明聽欽四鄰交贊之功
庶官代工以無曠達掖嚮道以成風猗與盛治悉數難

窮蓋自 聖訓頻頒 皇言屢布戒朋黨之弊期於成
信勿欺絕袒護之私務在洗心滌慮黜陟則咸當其情
賞罰亦各隨其具如慈父之育子官府一視同仁若化
工之肖物栽培因材而付且也加恩選造廣勵膠庠樹
廉耻於始進抑奔競於居常拔其秀民則廉與孝舉核
夫輿論則行表言揚稂莠是除嘉禾愈殖梟鷂悉屏鸞
鳳斯翔以故從宦者振興爲士者感奮九官四岳朝多
師濟之庥六行三物野慶文明之運於斯時也大臣法
小臣廉公孤論道而交讓卿尹率屬而無嫌盡書思之
誼則嘉謀嘉猷之入告殫牧伯之任則來旬來宣之具

四馬齋文集卷一

土

瞻監司正己以涖下州縣撫字而勞心以及丞簿之末
吏罔不恪守乎官箴綜而計之誠身爲本敬事爲先無
詐無虞儆大廷於爾室匪紆匪教凜咫尺於 天顏和
而不同鹽梅有互調之味公而無我葑菲多下采之言
慎之又慎豈比夫溫室無辭不關至計勤而益勤方媿
此分陰徒惜何補素餐此皆官方之所由著而 聖德
之所從宣也若夫潛修於家積行於里讀書稽古肯結
社以邀名崇實去華勿游談而鬪靡急公奉上井稅有
及時之輸守道安貧公門無私謁之耻息爭泯訟則化
及鄉人講約發蒙則施於弟子五經同異務折衷於

皇言百氏源流咸稟承於 訓旨國無僞學真道合而
風同廬有純儒斯化行而俗美此又士習之所由端而
聖德之所爲被也盛矣哉 君明臣賢士愿民淳族
有同居之丁口道無私拾之金銀太和翔洽馨香發聞
天告其瑞地獻其珍二曜合而五緯聚嘉禾秀而瑞麥
紛甘露降於樹醴泉湧於田慶雲煥其彩黃河清其源
石挺五莖秀靈芝於峰頂龍啣雙紐出玉卽於浦濱麒
麟舉趾而徐步鳳凰奮翼以高騫琉球出日之區遣子
入學蘇祿不毛之國重譯來賓天人協應福履方臻良
由 聖德際天蟠地超重華而邁放勳是以百官得其
宜多士得其職而感名乎高卑上下之綱小臣固陋
親見親聞爰摘詞而紀實媿莫罄其毫末於萬分
頌

四馬齋文集卷一

土

日月合璧五星連珠頌 并序代

臣 考帝王之興皆有符瑞以彰德輝垂感應惟尤異而
不恒見者隆焉以故景星明卿雲縵鳳凰巢於閣麒麟
遊於郊赤烏白雉之祥朱草嘉禾之異以至山出器車
河出馬圖甘露夜垂醴泉朝湧黃龍駒虞神龜寶鼎希
世間出之物煌煌乎歷代所傳不可誣已至於二曜迭
運五緯遞旋古今所共推步臣民所共瞻仰求其會如

壁合聚若珠聯自軒轅氏外亘數千年不獲一見何也
氣朔有常度次舍有定位非若他符瑞之天降地出忽
然而現也故道如義文莫之遇德如堯舜莫之逢功如
湯武莫之值豈非尤異特隆一切聿懷寵受之福有不
足稱者哉我 皇清受命孔固 聖祖仁皇帝湛恩汪
濊薄海內外罔不被澤 天心眷顧篤生 皇帝陛下
善繼善述以成無疆之休茲雍正三年二月己巳朔越
一日庚午日月五星咸會煥朗炳耀天文聿新是月也
實我 皇上三年即吉告 廟釋服之月也伏惟 聖
祖仁皇帝功德盛隆古今莫並特付 皇帝以神器之

四馬齋文集卷一

三

重夙夜宥密不懈而益光大之於 昊天上帝為有道
曾孫於 仁皇帝為繼體肖子於天下億兆生靈為錫
福綏猷作民父母之元后 聖功日懋 天眷加崇乃
於是時特呈奇瑞蓋以古今不世出之 聖名古今不
恒有之祥誠非歷代史冊所書符瑞所可擬其萬一臣
依末光親符命伏念漢之聚井兆治平也而日月未偕
宋之聚奎啓文明也而二曜不會然且紀於前史昭示
無窮況今 上天垂祥實義農堯舜湯武所未嘗聞者
乃獨於我 皇上觀之是誠萬古一時也考之虞書曰
在璿璣玉衡以齊七政是日月五星者天之政即君之

政也我 皇上德與天一故政行於天而日月五星應
候而齊若合契焉又考軒轅氏臣史遽之言曰得天之
紀終而復始言天事恒象也 仁皇帝聖德神功之事
於是成終我 皇上繼天立極之事於是成始故適當
三年適丁仲春人事決於下而天道應於上捷於桴鼓
自開闢以來罕有德與時會若斯之顯懿於鑠者也 臣
備員珥筆苟頌聲缺焉不作何以昭 聖德示來茲不
揣無陋用敢凝神竭慮齋沐稽首為頌以獻其辭曰
皇清受命 聖人代興重光緝熙復旦繼明陶堯鑄舜
陋啓卑成魏乎煥乎莫之與京維時三年仲春之月

四馬齋文集卷一

十四

帝將告 廟釋服即吉昭哉 嗣王允矣繼述萬象維
新百靈咸秩先期十日天乃發光日君月妃東西列行
羲和前驅望舒後翔南斗吐彩壯斗垂芒水火木金與
土而五星官我峨各守其府遲速參差曠不相聚 上
帝命之按班就部姬訾之次營室之宮乾維尊位坎乃
正中往哉日月五星是從各揚其輝壁拱珠逢絡繹續
紛輝煌翕赫朗耀中天照臨萬國亘古一遇彰我 聖
德太史上言宜付史策 帝曰俞哉 皇考之成儲祥
禔福綏我後生上天陳符泰階既平凡厥臣庶同受厥
明羣臣曰都 皇帝萬壽至孝格天大德昌後七政齊

軌三辰同候於萬斯年荷天之祐

河清頌并序代

臣聞大德受命至孝格天自古聖人在上必有聖人之瑞相爲協應伏羲首出龍馬是呈有虞受赤文之符成周紀榮光之異考其徵應皆見於河何則聖之道至大河之水至神惟大則百祥皆小惟神故千年一清清者尤河瑞之至神者也以至神之瑞符至大之聖光華天地朗澈古今感應之理無以過之欽惟我聖祖仁皇帝臨御億兆六十餘年湛恩沛四海大澤流六合功德之盛前古莫比我皇上嗣登大寶於今五年聖敬

四馬齋文集卷一

五

日躋至誠無息法天之徧覆應地之厚載明並乎日月信同乎四時是謂大德丕顯丕承善繼善述紹衣之思恒切率由之典加虔體乎聖祖之心行乎聖祖之政是謂至孝孝與德備是謂聖人於是光被四表格於上下神人胥悅宇宙太和殊方異域之長重譯來庭之使接踵於萬里日月五星之祥嘉禾瑞麥之慶畢効于兩間大哉至哉美矣盛矣乃雍正四年冬十有二月丙寅自陝州以迄淮徐之境黃河水清河臣齊蘇勒先以狀聞未幾漕臣張大有河南撫臣田文鏡暨副總河臣嵇曾筠相繼入告凡上下二千餘里河水經旬澄

澈臣民歡聲雷動皆謂河清之應載於簡編若綿亘數省經歷逾旬自開闢以來未之獲覩也臣以爲聖人之德不俟觀河而後知河水之清必遇聖人而始驗天人合一志氣交孚其道實在今日乃皇上德大而心愈小孝至而禮彌恭陟降推本於聖祖時幾用勅乎天命聖謨洋洋布告中外壹皆撝謙保泰之心答天法祖之實信億萬年有道之昌期千百國臣民所共慶也臣忝預密勿遭逢奇瑞無以仰窺聖德之萬一竊不自量謹推明聖瑞感應所由作頌一篇以附於古者拜手颺言之義其辭曰

四馬齋文集卷一

六

皇清受命既固既昌世有令德集此百祥惟我聖祖怙冒萬方六十餘載恩溥德洋演迤蓄積貽澤孔長皇帝受之道乃大光監於成憲率由舊章小心翼戴以格穹蒼皇帝至孝言動必遵紹庭上下如見如聞立法垂訓聖祖是循戒飭卿尹誠和萬民爲祖肖子爲帝曾孫皇帝至敬敬以緝熙嚴事郊廟肅肅其儀岳瀆既告咸秩神祇春而籍田秉耒躬推秋而詣學北面隆師神曰馨香祝曰受釐皇帝至誠誠以不息問夜如何日中未食兼總萬幾經畫八極健法天行厚同地德豐盈乾乾爲臣下式皇帝至慈父母赤子